

IDEA Tshwj xeeb Kev kawm ntawv Txog Txheej Txheem Hais Qhov Tsis Txaus Siab/Thov Hais Kom Taug Xyuas Ncaj Ncees Suav Txog Kev Thov Hais Kom Taug Xyuas Ncaj Ncees Sai Sai

**Cov Lus Qhia rau Cov Niam Txiv ntawm
Cov Menyuum Yaus thiab Cov Hluas
(Hnub nyoog 3-21)**

Cov ntaub ntawv tshaj tawm no yog ib feem ntawm IDEA (Txoj Cai Kev Kawm Ntawv Rau Cov Neeg Xiam Oob Qhab) ntsig txog hom kev xaiv daws yam tsis sib haum xeeb. Cov lus qhia rau niam txiv muaj nyob hauv cov ntaub ntawv no muaj xws li:

IDEA Kev Daws Teeb Meem Txog Kev Kawm Ntawv Tshwj Xeeb
IDEA Kev Sau Daim Ntawv Hais Qhov Tsis Txaus Siab Txog Kev Kawm Ntawv
Tshwj Xeeb
IDEA Txheej Txheem Hais Qhov Tsis Txaus Siab/Thov Hais Kom Taug Xyuas
Ncaj Ncees Txog Kev Kawm Ntawv Tshwj Xeeb
IDEA Cov Rooj Sib Tham Txog Kev Daws Teeb Meem Txog Kev Kawm Ntawv
Tshwj Xeeb



Office of Special Education Programs
U.S. Department of Education

Cov ntaub ntawv tshaj tawm no plov qhia txog Txheej Txheem Hais Qhov Tsis Txaus Siab/Thov Hais Kom Taug Xyuas Ncaj Ncees rau Phaj B ntawm IDEA. Tsis tas yuav ntaus nqi, kho dua tshiab, los sis hloov ib qho txheej txheem pov thaiv los sis yam yuav tsum tau ua raws li txoj cai ntawm tsoom fww los sis lub xeev.

Txheej Txheem Hais Qhov Tsis Txaus Siab/Thov Hais Kom Taug Xyuas Ncaj Ncees yog Dab Tsi?

Vim qhov txheej txheem hais qhov tsis txaus siab yuav tsum tau sau daim ntawv thov hais kom taug xyuas ncaj ncees rau qhov kev txeeb xyuas qhov tseeb, kev tshuaj xyuas, los sis kev pauv hloov kev kawm ntawv ntawm ib tug menyuam yaus xiam oob qhab, los sis kev qhia ntawv pub dawb, qhia ntawv kom tsim nyog (free, appropriate public education, FAPE) rau tus me nyuam ntawd. Ib tug niam los yog txiv los sis ib lub chaw ua haujlwm (xws li koj tus me nyuam lub tsev kawm ntawv) yuav yog tus foob hais qhov tsis txaus siab. Yuav pib hais raws txheej txheem hais kom taug xyuas ncaj ncees uas tug kws taug xyuas ncaj ncees tau txiav txim txog.

- Txheej txheem hais qhov tsis txaus siab kuj yuav hais txog “kev thov hais kom taug xyuas ncaj ncees”.
- Qee yam ua piv txwm txog kev foob hais qhov tsis txaus siab raws li txheej txheem muaj xws li nram qab no:
 - ◆ Koj tsis pom zoo raws li qhov tshuaj xyuas txog qhov xiam oob qhab ntawm koj tus me nyuam rau qhov muaj cai raug mus kawm ntawv tshwj xeeb.
 - ◆ Koj xav tias qhov kev qhia ntawv rau tus kheej (Individualized education program, IEP) uas raug ua los ntawm koj tus me nyuam pawg kws IEP tsis tau raws li feem xav tau ntawm kev kawm ntawv tshwj xeeb ntawm koj tus me nyuam.
 - ◆ Koj ntseeg tias lub tsev kawm ntawv tsis tau muab cov kev qhia ntawv nyob hauv koj tus me nyuam qhov IEP qhia rau nws.
 - ◆ Koj tsis pom zoo raws li qhov txiav txim siab hloov koj tus me nyuam mus kawm los ntawm lub tsev kawm ntawv.
- Muaj cov ntaub ntawv qhia txog kev hais qhov tsis txaus siab rau ntawm lub chaw saib xyuas kev kawm ntawv hauv koj lub xeev (State educational agency, SEA).

Cov cai kav ntawm lub xeev ntsig txog txheej txheem daws qhov tsis sib haum xeeb ntawm IDEA yuav sib txawv.

Cov niam txiv thiab cov tswv cuab hauv tsev neeg yuav tau hu rau lub chaw saib xyuas kev kawm ntawv ntawm lub xeev los sis lub chaw ua haujlwm ntawm niam txiv yog xav paub ntau ntxiv.

Yam Tseem Ceeb uas Koj Yuav Tsum Tau Paub Ua Ntej Foob Hais Ib Qho Tsis Txaus Siab/Thov Hais Kom Taug Xyuas Ncaj Ncees...

- **IDEA tshooj cai hais qhov tsis txaus siab yuav tsum muaj cov ntaub ntawv nram qab no nrog:**
 - ◆ **Tus me nyuam lub npe;**
 - ◆ **Tus me nyuam qhov chaws nyob, los sis xov tooj yog ib tug me nyuam tsis muaj tsev nyob;**
 - ◆ **Tus me nyuam lub tsev kawm ntawv lub npe;**
 - ◆ **Kev piav qhia txog yam teeb meem tshwj xeeb ntsig txog tus me nyuam thiab qhov teeb meem muaj tseeb ntawm tus me nyuam; thiab**
 - ◆ **Cov tswv yim los sis cov lus qhia txog daws qhov teeb meem.**
- **Niam txiv los sis lub tsev kawm ntawv hais qhov tsis txaus siab/thov hais kom taug xyuas ncaj ncees yuav tsum theej ib daim ntawv xa mus rau lwm cov neeg rau thaum tib lub sij hawm foob hais qhov tsis txaus siab mus rau SEA.**
- **Kev hais qhov tsis txaus siab/thov hais kom taug xyuas ncaj ncees uas tsis muaj ntaub ntawv sau hais yuav raug muab tshem tawm los sis raug xa rov qab thiab tej zaum yuav raug muab los daws qeeb.**

Tom Qab Kuv Thov Hais Kom Taug Xyuas Ncaj Ncees Yuav Tshwm Sim Dab Tsi?

- **Ib txwm, SEA los sis chav haujlwm taug xyuas ncaj ncees yuav xa ib tsab ntawv tuaj rau koj thiab lub tsev kawm ntawv nrog rau cov ntaub ntawv uas koj xav hais. Tsab ntawv no muaj xws li:**
 - ◆ **Lub npe thiab xov tooj ntawm tus kws taug xyuas ncaj ncees tau los hais koj qhov teeb meem;**
 - ◆ **Lub sijhawm hais thiab yam tseem ceeb uas yuav tshwm sim rau hauv qhov txheej txheem hais;**

- ◆ Cov ntaub ntawv ntsig txog yam yuav tsum muaj rau ntawm lub rooj daws teeb meem thiab kev daws qhov teeb meem; thiab
 - ◆ Cov ntaub ntawv hais txog feem kev pab dawb los sis raug tus nqi qis nyob hauv thaj chaw.
- Lub tsev kawm ntawv muaj sijhawm 10 hnuab los hais koj daim ntawv thov hais qhov tsis txaus siab. Yog lub tsev kawm ntawv tau foob hais qhov tsis txaus siab, koj muaj sijhawm 10 hnuab los hais cov teeb meem rau hauv daim ntawv tsis txaus siab.
 - Lub tsev kawm ntawv yuav tsum teem caij lub rooj daws qhov tsis txaus siab rau hauv lub sijhawm 15 hnuab txij hnuab tau txais koj daim ntawv hais qhov tsis txaus siab, tshwj tsis yog koj thiab lub tsev kawm ntawv pom zoo tsis tas sau ntawv hais kom npaj lub rooj sib tham, los sis hloov cia sib hais daws qhov teeb meem xwb. Saib IDEA Cov Rooj Sib Tham Daws Teeb Meem Txog Kev Kawm Ntawv Tshwj Xeeb yog xav paub ntau ntxiv.
 - Yog tau hais kom taug xyuas ncaj ncees, tus kws taug xyuas ncaj ncees yuav tsum xa ib tsab ntawv theej hais txog qhov txiav txim mus rau txhua feem kom tsis pub dhau 45 hnuab txij thaum lub sijhawm pib hais kom taug xyuas ncaj ncees mus los sis, yog tus kws taug xyuas ncaj ncees tau pom zoo muab lub sijhawm ntxiv kom mus txog thaum kawg ntawm lub sijhawm muab ntxiv ntawd.

Cov Nqe Lus Nug Txog Txheej Txheem Hais Qhov Tsis Txaus Siab/Thov Hais Kom Taug Xyuas Ncaj Ncees

Puas muaj lub sijhawm txwv txog kev hais qhov tsis txaus siab/thov hais kom taug xyuas ncaj ncees?

Tshwj tsis yog muaj kev zam rau lub sijhawm txwv no, cov teeb meem uas koj hais rau hauv koj daim ntawv hais qhov tsis txaus siab yuav tsum yog tshwm sim rau hauv lub sijhawm tsis pub dhau 2 lub xyoos ua ntej koj yuav foob hais qhov tsis txaus siab, los sis txij hnuab koj paub tias muaj qhov teeb meem tshwm sim. Nyob rau qee lub xee, lub sijhawm txwv foob hais qhov tsis txaus siab yog tsawg dua 2 lub xyoos, yog li ntawd qhov tseem ceeb tshaj ces koj yuav hais qhov tsis txaus siab kom sai li sai tau.

Puas muaj tej yam tshwj xeeb uas kuv yuav tsum siv?

Tsis muaj. Koj qhov SEA yuav tsum rau daim daim ntawv foos hais qhov tsis txaus siab, tab sis koj tsis tas siv nws los tau. Saib daim ntawv no thiab seb muaj dab tsi uas yuav pab koj sau koj daim ntawv hais qhov tsis txaus siab.

Lub caij daws qhov teeb meem yog li cas?

Qhov no yog lub sijhawm 30 hnub pib kiag tom qab lub tsev kawm ntawv tau txais niam txiv daim ntawv hais qhov tsis txaus siab. Thaum lub sijhawm uas sib tham daws qhov teeb meem. Yeej yuav tau hais kom cov niam txiv thiab lub tsev kawm ntawv daws qhov teeb meem tso ua ntej yuav thov hais kom taug xyuas ncaj ncees.

Tom qab kuv hais qhov tsis txaus siab/thov hais kom taug xyuas ncaj ncees kuv tus me nyuam yuav mus kawm lub tsev kawm ntawv twg?

Txij thaum lub sijhawm hais qhov tsis txaus siab mus txog thaum daws tag, koj tus menyuum tseem kawm rau ntawm nws qhov chaw kawm, tshwj tsis yog koj thiab lub tsev kawm ntawv pom zoo ua mus lwm yam. Qhov no feem ntau “tseem kawm li qub” los sis “tseem nyob li qub”. Yog koj qhov tsis txaus siab yog ntsig txog kev tso cai nkag mus kawm rau ntawm tsoom fww lub tsev kawm ntawv rau thawj zaug, nrog rau yeej muaj kev pom zoo ntawm koj, koj tus menyuum yuav tsum tau mus kawm tsoom fww ib lub tsev kawm ntawv kom mus txog thaum daws tag qhov tsis txaus siab.

Kuv puas yuav tsum muaj ib tug kws hais plaub los hais qhov tsis txaus siab/thov hais kom taug xyuas ncaj ncees?

Tsis tas muaj, lb tug niam txiv tsis tas siv ib tug kws hais plaub los hais qhov tsis txaus siab. Vim txheej txheem hais qhov tsis txaus siab no yeej ua raws cai lawm, cov niam txiv tuaj yeem xiav ntiav ib tug kws hais plaub yog xav tau. Cov tsev kawm ntawv ib txwm yeej muaj lawv cov kws hais plaub lawm. Cov chaw ua haujlwm ntawm niam txiv tuaj yeem pab nrhiav kws hais plaub rau koj.

Yog kuv xav tau ib tug kws txhais lus yuav ua li cas?

Qhov tseem ceeb ces koj yuav tsum nkag siab thiab mus koom thaum lub sijhawm sib hais. Qhia rau ib tug neeg kom paub tias koj xav tau ib tug kws txhais lus. Hu rau koj li SEA yog xav paub ntau ntxiv.

**Yog xav paub ntau ntxiv txog cov ntaub ntawv daws cov teeb meem tsis sib haum xeeb txog kev kawm ntawv tshwj xeeb thiab lwm yam tsis sib haum xeeb raws li txoj cai ntawm IDEA, mus saib hauv CADRE lub Website:
cadreworks.org**

Cov Nqe Lus Nug Ntsig Txog Txheej Txheem Taug Xyuas Kev Ncaj Ncees

Txheej txheem hais kom taug xyuas ncaj ncees yog dab tsi?

Kev taug xyuas ncaj ncees yog ib qho txheej hais raws cai ntau dua kev daws teeb meem rau qhov tsis sib haum xeeb. Ib tug kws taug xyuas ncaj ncees yuav yog tus los daws qhov teeb meem raws li txhua feem muab cov ntaub ntawv sau tuaj. Tus kws daws qhov teeb meem yuav tsum yog tus nruab nrab thiab paub txog IDEA.

Lub rooj taug xyuas ncaj ncees yuav ua rau thaum twg thiab qhov chaw twg?

Vim lub rooj taug xyuas ncaj ncees yuav tsum ua raws li lub sijhawm thiab rau ntawm thaj chaw uas tus niam txiv thiab tus me nyuam mus koom tau yooj yim. Kev taug xyuas ncaj ncees qee zaus yuav tau sib hais ntau hnuv. Lawv ib txwm npaj sib hais rau ntawm tsoom fww cov tsev haujlwm hauv chaw sib tham thiaj li muaj chaws txaus xws li hauv tsev hais plaub, cov chaw sib tham hauv lub nroog, thiab cov tsev cia ntawv.

Ib tug kws taug xyuas ncaj ncees puas tuaj yeem los daws qhov taug xyuas ncaj ncees rau hauv lub sijhawm 45 hnuv?

Tuaj yeem. Tus kws taug xyuas ncaj ncees yuav muab lub sijhawm tshwj xeeb ntiv los taug xyuas kev ncaj ncees raws li koj los sis lub tsev kawm ntawv thov.

Leej twg yuav yog tus mus koom lub rooj taug xyuas kev ncaj ncees?

Ib txwm yeej yog cov niam txiv thiab cov neeg ua haujlwm hauv tsev kawm ntawv, lawv cov kws hais plaub, cov neeg ua pov thawj, thiab lwm cov neeg uas raug caw yuav yog cov mus koom lub rooj taug xyuas kev ncaj ncees. Ntiv rau qhov no, ib tug niam los yog txiv tuaj yeem cia cov neeg pej xeeb sab nrauv tuaj mus nrog mloog rau ntawm lub rooj taug xyuas kev ncaj ncees.

Qhov kev txiav txim ntawm lub rooj taug xyuas kev ncaj ncees no yuav tshwm sim dab tsi?

SEA muaj lub luag haujlwm los saib xyuas txog qhov txiav txim ntawm tus kws taug xyuas kev ncaj ncees kom mus raws li txoj cai, tshwj tsis yog twb tau thov hais kom rov qab txiav txim dua lawm. SEA yuav tsum muab ib daim ntawv theej (muab tus kheej ntiag tug tej ntaub ntawv tshem tawm) nrog rau cov ntaub ntawv pab tswv yim ntawm lub xeev, thiab qhov txiav txim tshaj tawm rau pej xeeb sawd daws paub.

Kuv puas tuaj yeem thov hais kom rov qab txiav txim dua txog qhov taug xyuas kev ncaj ncees no?

Tuaj yeem. Feem twg los tuaj yeem thov hais kom rov qab txiav txim dua txog qhov taug xyuas kev ncaj ncees no tau. Yog xav paub txog kev thov hais kom rov qab txiav txim dua rau hauv koj lub xeev, kuaj xyuas ntawm nrog rau koj li SEA los sis lub chaw ua haujlwm ntawm niam txiv.

Qhov tseem ceeb uas koj yuav tau paub ces yuav siv lub sijhawm ntau npaum li cas los hais kom rov qab txiav txim dua. Hauv ntau lub xeev, yuav tsum sau daim ntawv thov hais kom rov qab txiav txim dua rau hauv lub sijhawm luv xwb, xws li tsis pub dhau 30 hnuv los sis 60 hnuv txij hnuv tus kws taug xyuas kev ncaj ncees tau txiav txim.

Kuv puas muaj cai tau txais cov ntaub ntawv theej ntawm lub rooj taug xyuas kev ncaj ncees?

Muaj. Cov niam txiv muaj cai tau txais cov ntaub ntawv teev tseg ntawm lub rooj taug xyuas kev ncaj ncees, feem muaj tseeb ntawm qhov tshawb nrhiav tau los, thiab qhov txiav txim txog qhov taug xyuas kev ncaj ncees yam tsis tau them nqi rau cov ntaub ntawv no.

Yog lub tsev kawm ntawv tsis ua raws li qhov txiav txim ntawm tus kws taug xyuas kev ncaj ncees yuav ua li cas?

Yog lub tsev kawm ntawv tsis ua raws li qhov txiav txim ntawm tus taug xyuas kev ncaj ncees, koj tuaj yeem sau ntawv foob hais qhov tsis txaus siab mus rau SEA, thov tias lawv tau yuam txiav txim. Saib IDEA Kev Sau Daim Ntawv Hais Qhov Tsis Txaus Siab Txog Kev Kawm Ntawv Tshwj Xeeb yog xav paub ntau ntxiv.

Kev Sab Laj Txog Txheej Txheem Hais Qhov Tsis Txaus Siab/ Taug Xyuas Kev Ncaj Ncees

- Kev sib hais yog vim los ntawm kev tsis sib haum xeeb, tsis muaj kev koom tes los daws qhov teeb meem, thiab ua rau cov kws qhia ntawv thiab cov tsev neeg tsis muaj kev sib raug zoo.
- Qee cov teeb meem uas muaj kev txhawj xeeb rau ib tug niam txiv xws li tus neeg uas lub tsev kawm ntawv tau ntiav ua haujlwm yeej tsis tsim nyog yog tus neeg los hais kom taug xyuas kev ncaj ncees.
- Hauv qhov txheej txheem taug xyuas kev ncaj ncees, ib tug kws taug xyuas kev ncaj ncees uas yog tus tsis paub koj tus me nyuam yuav yog tus txiav txim.
- Hauv cov rooj sib hais los sis daws qhov teeb meem, yuav tsum muaj koj, cov neeg ua haujlwm hauv lub tsev kawm ntawv, thiab lwm cov neeg uas paub koj tus me nyuam yuav yog cov los daws qhov teeb meem.
- Feem ntau ntawm qhov tsis txaus siab yeej raug daws yam tsis tau thov hais kom taug xyuas kev ncaj ncees, qee zaus kuj yuav tsum muaj lub rooj sib hais los sis daws qhov teeb meem.
- Yuav tiv thaiv kom tus kws taug xyuas kev ncaj ncees muaj kev ncaj ncees tiag, tus kws taug xyuas kev ncaj ncees yuav tsum tsis txhob tham nrog feem twg li thaum txheej txheem hais qhov tsis txaus siab los sis thov kom taug xyuas kev ncaj ncees.
- Tus kws taug xyuas kev ncaj ncees qhov txiav txim siab yog raug raws cai, txawm tias koj yuav tsis pom zoo los xij, tshwj tsis yog twb tau thov hais kom rov qab txiav txim dua lawm.

Kev Thov Hais Kom Taug Xyuas Ncaj Ncees Sai Sai

Tsuas thov hais kom taug xyuas kev ncaj ncees sai sai rau qee yam teeb meem tau xwb. Txheej txheem tshwj xeeb thov hais qhov tsis txaus siab raug siv thaum cov niam txiv tsis pom zoo txog qhov txiav txim ntawm lub tsev kawm ntawv vim muaj kev cuam tshuam txog kev pauv hloov kev kawm ntawm koj tus me nyuam.

Cov niam txiv tuaj yeem thov hais kom taug xyuas kev ncaj ncees sai sai tau yog thaum lawv tsis pom zoo raws li qhov txiav txim ntawm lub tsev kawm ntawv txog kev coj tus cwj pwm tsis taus ntawm koj tus me nyuam. Qhov txiav txim no hu ua ib qho kev txiav txim dawb huv.

Tej zaum lub tsev kawm ntawv yuav thov hais kom taug xyuas kev ncaj ncees sai sai tau yog thaum nws ntseeg tias kev coj tus cwj pwm ntawm ib tug me nyuam muaj kev txaus ntshai rau lwm tus me nyuam los sis lwm tus neeg.

- Kev thov kom taug xyuas kev ncaj ncees sai sai yuav tsum siv tib yam ntaub ntawv raws li kev thov hais qhov tsis txaus siab.
- Kev thov kom taug xyuas kev ncaj ncees sai sai tej zaum yuav muaj txheej txheem sau sib txawv. Cov txheej txheem no tej zaum yuav sib txawv dua lwm cov txheej txheem hais qhov tsis txaus siab.

Tom Qab Kuv Thov Hais Kom Taug Xyuas Kev Ncaj Ncees Sai Sai Yuav Tshwm Sim Dab Tsi?

- Yuav tsum npaj lub rooj daws qhov tsis txaus siab rau hauv lub sijhawm 7 hnuv, tshwj tsis yog koj thiab lub tsev kawm ntawv pom zoo tsis tas sau ntawv hais kom npaj lub rooj sib tham, los sis mam cia sib hais daws qhov teeb meem xwb.
- Yog qhov tsis sib haum xeeb no tsis raug daws rau hauv lub sijhawm 15 hnuv, ces yuav yog lub sijhawm thov hais kom taug xyuas kev ncaj ncees.

- Daim ntawv thov hais kom taug xyuas kev ncaj ncees sai sai yuav tsum raug taug xyuas rau hauv lub sijhawm 20 hnuv kawm ntawv.
- Tus kws taug xyuas kev ncaj ncees yuav tsum sau daim ntawv txiav txim rau hauv lub sijhawm 10 hnuv kawm ntawv ntawm hnuv taug xyuas kev ncaj ncees.

!*Daim Ntawv Ceeb Toom Txog Lub Sijhawm Thov Hais Kom Taug Xyuas Kev Ncaj Ncees Sai Sai*!

Qhov tseem ceeb uas yuav paub txog ces lub sijhawm thov hais sai sai yuav sib txawv, tshwj xeeb mas thaum lub sijhawm hais los sis thaum lub sijhawm yuav tag vim lub tsev kawm ntawv tsis qhib qhia ntawv lawm, xws li lub caij ntuj sov uas so tsis kawm ntawv thiab thaum so ntxiv.

Hnuv kawm ntawv yeej muaj tib yam nkaus rau txhua tus nyuam nyob hauv tsev kawm ntawv, suav txog cov me nyuam tsis taus - cov hnuv uas cov me nyuam tau npaj mus tom lub tsev kawm ntawv.

Cov hnuv, hli thiab xyoo yog txhua hnuv nyob hauv daim ntawv qhia hnuv, hli thiab xyoo, suav txog cov hnuv qab asthiv thiab cov hnuv so.

Cov Nqe Lus Nug Ntsig Txog Txheej Txheem Taug Xyuas Kev Ncaj Ncees Sai Sai

Saib Cov Nqe Lus Nug Ntsig Txog Txheej Txheem Hais Qhov Tsis Txaus Slab/ Taug Xyuas Kev Ncaj Ncees

Tom qab kuv hais qhov tsis txaus siab/thov hais kom taug xyuas kev ncaj ncees sai sai kuv tus me nyuam yuav mus kawm lub tsev kawm ntawv twg?

Koj tus me nyuam yuav tsum mus kawm ntawv raws li qhov qub uas nws pawg kws IEP tau xaiv tseg kom mus txog thaum tus kws taug xyuas kev ncaj ncees txiav txim tag los sis kom mus txog thaum tag lub sijhawm rau txim, tshwj tsis yog koj thiab lub tsev kawm ntawv pom zoo ua mus lwm yam.

Ib tug kws taug xyuas ncaj ncees sai sai puas tuaj yeem ntxiv lub sijhawm sib hais qhov taug xyuas kev ncaj ncees sai sai tau?

Tsis tau, Ib tug kws taug xyuas kev ncaj ncees tsis tuaj yeem ntxiv lub sijhawm los daws qhov teeb meem, hnuv taug xyuas kev ncaj ncees, los sis lub sijhawm sau daim ntawv txiav txim rau qhov kev thov hais kom taug xyuas kev ncaj ncees.

Tom qab taug xyuas kev ncaj ncees tag yuav tshwm sim dab tsi?

Yeej zoo ib yam nkaus li txhua txheej txheem kev txiav txim siab, SEA yuav tsum saib xyuas kom tus kws taug xyuas kev ncaj ncees txiav txim mus raws txoj cai, tshwj tsis yog twb tau thov hais kom rov qab txiav txim dua lawm. SEA yuav tsum muab ib daim ntawv theej (muab tus kheej ntiag tug tej ntaub ntawv tshem tawm) nrog rau cov ntaub ntawv pab tswv yim ntawm lub xeev, thiab qhov txiav txim tshaj tawm rau pej xeev sawd daws paub.

Yog kuv tsis pom zoo raws li qhov txiav txim ntawm lub rooj taug xyuas kev ncaj ncees no yuav ua li cas?

Ib qho kev txiav txim ntawm lub rooj taug xyuas kev ncaj ncees sai sai tuaj yeem thov hais kom rov qab txiav txim dua tau. Yog xav paub txog qhov yuav thov hais kom rov qab txiav txim dua li cas rau hauv koj lub xeev, koj yuav tau nug ntawm koj lub chaw SEA los sis lub chaw ua haujlwm ntawm niam txiv. Lawv yuav paub cov sijhawm tseem ceeb thiab txheej txheem kev sau ntawv foob.

Cov Ntaub Ntawv Tseem Ceeb


Txhua cov chaw ua haujlwm ntawm niam txiv hauv lub teb chaws tam sim no muaj npe nyob rau hauv lub chaw Chaw rau Niam Txiv Cov Ntaub Ntawv thiab Cov Ntaub Ntawv (Center for Parent Information and Resources, CPIR): parentcenterhub.org/find-your-center los sis hu rau (973) 642-8100



Lub Chaw Ua Haujlwm Daws Qhov Tsis Sib Haum Xeeb txog Kev Kawm Ntawv Tshwj Xeeb (Center for Appropriate Dispute Resolution in Special Education, CADRE) yog lub chaw pab qhia txog kev daws qhov tsis sib haum xeeb hauv lub teb chaws: cadreworks.org los sis hu rau (541) 686-5060



Tus Kheej Ntiag Tug Cov Ntaub Ntawv nrog rau Txoj Cai Kev Kawm Ntawv Ntawm Cov Neeg Tsis Taus (Information on the Individuals with Disabilities Education Act, IDEA) muaj nyob rau hauv online: <https://sites.ed.gov/idea/>



Yuav Nrhiav Ib Lub Chaw Ua Haujlwm Ntawm Niam Txiv Nyob Hauv Koj Thaj Chaw, Hu Rau:

Ib Cheeb Tsam 1 Lub Chaw Ua Haujlwm ntawm Niam Txiv TA
NJ Statewide Parent Advocacy Network
35 Halsey St., 4th Floor
Newark, NJ 07102
Xovtooj: (973) 642-8100
Xov tooj fej ntawv: (973) 642-8080
Website: spanadvocacy.org

Ib Cheeb Tsam 3 Lub Chaw Ua Haujlwm ntawm Niam Txiv TA
Parent to Parent of Georgia
3070 Presidential Pkwy, Suite 130
Atlanta, GA 30340
Xovtooj: (800) 229-2038
Xov tooj fej ntawv: (770) 458-4091
Website: p2pga.org

Ib Cheeb Tsam 5 Lub Chaw Ua Haujlwm ntawm Niam Txiv TA
PEAK Parent Center
611 N. Weber, Suite 200
Colorado Springs, CO 80903
Xovtooj: (800) 284-0251
Xov tooj fej ntawv: (719) 931-9452
Website: region5ptac.org

Ib Cheeb Tsam 2 Lub Chaw Ua Haujlwm ntawm Niam Txiv TA
Exceptional Children's Assistance Center
907 Barra Row, Suites 102/103
Davidson, NC 28036
Xovtooj: (704) 892-1321
Xov tooj fej ntawv: (704) 892-5028
Website: ecac-parentcenter.org

Ib Cheeb Tsam 4 Lub Chaw Ua Haujlwm ntawm Niam Txiv TA
WI FACETS
600 W. Virginia St., Ste. 501
Milwaukee, WI 53204
Xovtooj: (877) 374-0511
Xov tooj fej ntawv: (414) 374-4655
Website: wifacets.org

Ib Cheeb Tsam 6 Lub Chaw Ua Haujlwm ntawm Niam Txiv TA
Matrix Parent Network & Resource Center
94 Galli Drive, Suite C
Novato, CA 94949
Xovtooj: (415) 884-3535
Xov tooj fej ntawv: (415) 884-3555
Website: matrixparents.org

Center for Parent Information and Resources (CPiR)
35 Halsey St., 4th Floor
Newark, NJ 07102
Xovtooj: (973) 642-8100
Xov tooj fej ntawv: (973) 642-8080
Website: parentcenterhub.org

Lub Chaw Ua Haujlwm Ntawm Niam Txiv Hauv Koj Lub Zos:

CADRE sau cov ntaub ntawv no raws li U.S. Department of Education, Lub Tsev Haujlwm Saib Xyuas Txog Kev Kawm Ntawv Tshwj Xeeb Daim Ntawv Pom Zoo Sib Koom Tes Nab Npawb (Office of Special Education Programs Cooperative Agreement No. H326D080001. Tina Diamond, Ph.D., yog tus li haujlwm rau txoj haujlwm. Qhov kev tshuj xyuas no tau hais tias tsis tas yuav muaj cov qeb dej num los sis cov cai tswj fwm ntawm Lub Tsev Haujlwm Kev Kawm Ntawv. Tsis muaj pom zoo raws cai los ntawm U.S. Department of Education txog ib yam khoom siv, khoom lag luam, kev saib xyuas los sis kev ua lag luam raws li hais rau hauv daim ntawv no los sis yuav raug muab tshaj tawm. Yam khoom siv no yog rau pej xeeb sawd daws siv. Kev tso cai rov qab tsim ua tag nrho los sis tsim ua ib feem. Thaum tsis tas yuav tso cai rov qab muab cov ntaub ntawv no luam tawm, yuav tsum hais txog: CADRE (2014). IDEA Txheej Txheem Hais Qhov Tsis Txuas Siab/Thov Hais Kom Taug Xyuas Kev Ncaj Ncees Suav Txog Kev Thov Taug Xyuas Kev Ncaj Ncees Sai Sai, Eugene, Oregon, CADRE. Cov ntaub ntawv tshaj tawm no muaj cov hyperlinks thiab URLs uas raug tsim thiab tswj xyuas los ntawm cov chaw ua haujlwm sab nrauv thiab ua kom muaj kev yooj yim rau cov neeg nyeeem. Lub Tsev Haujlwm no yuav tsis lees saib xyuas txog qhov raug thiab tsis raug ntawm cov ntaub ntawv no. Hnub Luam Tawm: Ib Hlis 2014.